

Was braucht ma auf an Bauerndorf

www.franzdorfer.com

The musical score is written in 2/4 time with a key signature of one flat (B-flat). It consists of four staves of music. The first staff starts with a treble clef and a key signature of one flat. The second staff begins with a bass clef. Chord symbols (F, C7, Bb, C) are placed above the notes. The lyrics are written below the notes.

6 Wåsbraucht ma auf an Bau-ern-dorf, Wåsbraucht ma auf an Dorf? An Pfår - rer, der schön
am
singt, a Glock - n, die schön klingt, an Mes - ner, der gut läu - ten kánn, an
11 Schul - moas - ter, an gscheit - n Mánn, dás braucht ma auf an
14 Bau - ern - dorf, dás braucht ma auf an Dorf.

2. Wås braucht ma auf an Bauerndorf,
Wås braucht ma auf an Dorf?
An Schneider, der nix nimmt,
an Boten, der báld kimmt,
an Bauern, der sein Weib nit schlägt,
a Weib, dás übern Mann nid klágt,
dás braucht ma auf an Bauerndorf,
dás braucht ma auf an Dorf.

3. Wås braucht ma auf an Bauerndorf,
wås braucht ma auf an Dorf?
An Wirt, der nit z'viel sauft,
an Buam, der nit gern rauft,
an Knecht, der nit aufs Gaßl geht,
a Dirn, die nit zum Fenster steht,
dás braucht ma auf an Bauerndorf,
dás braucht ma auf an Dorf.

4. Wås braucht ma auf an Bauerndorf,
Wås braucht ma auf an Dorf?
An Becker, der oft bächt
Und d'Semmeln nit z kloan mácht,
an Brauer, der schon fleißig rührt
und schaut, daß s'Bier nit wassrig wird,
dás braucht ma auf an Bauerndorf,
dás braucht ma auf an Dorf.

5. Wås braucht ma auf an Bauerndorf,
Wås braucht ma auf an Dorf?
An Müllner, der nit stiehlt,
an Fuhrmánn, der nit schilt,
a Wirtin, die nit trutzig ist,
an Kickrihåhn auf jedn Mist,
dás braucht ma auf an Bauerndorf,
dás braucht ma auf an Dorf.